


اجتهاد

آیده بردفعه ترکیه و فرانسزجه اولاراق نشر ایدیلیر
مجموعه عثمانیه واسلامیه در



مناسرجات :

عبدالله جودت	اجتهاد
ف. ل	بر مصاحبه
بدرخان پاشازاده عبدالرحمن	روح نسا
۰۴ ج	لورد بایرون
***	مطبوعات اخیرہ
۰۴ ج	آچیق مکتوبلر
»	تحقیقات علمیه

جنوره : ۱۹۰۴

مدیر و سرمحرر : دوکتور عبدالله جودت

بناءً عليه تشخيص ايديله مه مش اولان مرضمك
دواسی ده محتاج كشف، بوكون تركر ايچين عبدالحميدك
شويكرمی سكر سنه لك اداره سزلكی ظرفنده مملكتتمزك
احتياجاتی نظر اعتباره آله رق استقبال ايچين قوت،
سعادت والحاصل بر حیات مدنی حاضر لاق، بويوك بر
فرصت ایدی . حالوكه نه ياییلدی ؟

عبدالحميد ثانیك سریر سلطنتندن حفره مزاره
اينديرلدیكي كون نه يابه جغز؟ يالكرز بوكون چالیشمینی
اوكرنمش اولانلر اوكون افق مساعیلرینی كنیشلته بیلیرلر.
فقط چالیشمیه رق یاخود چالیشمینی اوكرنه مه مش
اوله رق یاشایانلر نه يابه بیلیرلر؟ مصطل قانون اساسیدن
بحث اولونیور، عجیب بوندن یكرمی یدی سنه اول
سعادتتمزی تأمین ابدمه مه مش اولان بو قانون بوندن
صوكره سی ايچين بوسعادتی تأمین ایدیه یله جكمی؟ قانونلره
باغلانوبده هر شیئی اوندن بکله یين جمعیتلر كننام اولدی
وكنام اولمقدده! حریت ملكیه مزی بوصورتله یعنی صدقه
ویاخود احسان طریقیله آلدیغمز تقدیرده محافظه ایدده
بیله جكمی بز؟ وطنمزه متین بر استقبال حاضر لاق
ايچين نه ياییلی بز؟ شمديكي حالده اك بويوك نقصانلریمز
نهدر؟ خرسیتان وطنداشلیرمزك بزه اولان تفوقلری
نهدن ایلهری کلیور؟ كندیلریله برابر یاشامغه مجبور
اولدیغمز بو آدمیرله طرفینك منفعتنه موافق بر صورتده
یاشایه بیلیمك ايچين نه وجهله حرکت ایتلی بز؟ ایشته
اورته ده بوكی مسائل مهمه وار ایكن الآن اصلی فصلی
اولمان بر طاقم ترهات ایله عجزدن متولد فریادلرله، ماضی
مدحاریله، مداخله ومعاونت تنقیدلریله هتوز بر ثمره
نافعه تولیدینه قادر حیاتتمزی تسمیم ایتمه یلی بز. آرتق
جدی بر خط مساعی تعقیب ایتمك لزومی چوقدن كوروندی

اعتقادجمه وطنه ایدیه جك اك بويوك خدمت
یوقاریده عرض ایتدیكم مسائلی تدقیق وتحایل ایدهرك
خلقمزی بونلره علاقده دار ایتیه چالیشمق، قلممزی
بو مقصده حصر ایتمك، اهالی یی اوقومق، یازمق
اوكرنمكه تشویق ایتمك، زنكینلری چوجقلمزینی اورویانك
بلا استتانا دكل فقط مجرب مكاتبیرینه دارالفنونلرینه
كونده روب كندیلرینی سغیه تحصیل چاره لرینه توسل
ایتدیرمك. تشبث شخصی یه سعی، ذاتیلریله تأمین معیشته
آلیش دیرمق، نافع كنابلر ترجمه ایدهرك نشر ایتمك
حقوققزی فرانسزجه، آلمنجه باخصوص انكلیزجه
اوله رق قونله، منطقله فقط اعتدال دمله مدافعه ایدیه جك
جدی برقاق غزته نشر ایتمك وبونلرده غربك ادبی،
فنی، سیاسی، اجتماعی مؤسسات عالیه مدنیه سنی تدقیق
ایدوب بونلرك مملكتتمزه صورت تطبیقی بزه كوسترمك،
اوكرنمك، خطالریمزی طفلانه تهورلره قایلمقسزین
اكلا یوب اوله كندیمزدده تصحیح ایتمكه صوكره بو
تبعاتك نتایج نافعه سنی دیگر وطنداشلیرمزده بیلدیرمكه
وتوسیع وتعمیمه چالیشمق ایله اولور. والا بو وادیده
قابلسه الی سنه یوز سنه ده دوام ایدلسه نتیجه
اضمحلالدن باشقه برشی اولاماز .

ف . ل .

روح نساء

مقدمه

انسانك شخصیت معنویه سی دیمك اولان اخلاقی
باشلیجه تربیه ابتدائییه سی اوزده رینه مبتنی اولور. تربیه

ابتدایه والدهن آئینر. اولادك، والدهده متجلی فضل و كمال نسبتنده پرورشیاپ حسن اخلاق اولماسی بك طبیعی و آشكاردر .

ملكزده و شیمدیكى اسلام علمنده نسوانك تعلیم و تربیهلرینه لازم اولدینی درجهیه نسبتة هیچ اهمیت ویرلمه یور . حالبوكه طب علم حقنده کی احادیث نبویه و احكام اسلامیه ذكور و اناث بلاقریق جمله اهل اسلامه شاملدر .

قادینلره ار ككه مخصوص لوازم عادیه نظریله باقیلا - راق (الخجة تحت اقدام الامهات) حدیث بلند مألله تجیل بیوریلان امهات امت جاهل و بی نفوذ براقیلور . بوصولته چوجوقلریمز (والده تربیه ابتدایه سی) کبی الكمهم بر نعمتدن محروم ایدیلور . قادینلرك تعلیم و تربیه سی و روحلرینی مطالعه ایدهر ك كندیلرینه بروجه لایق معامله ایدیلمه سی لزومی ، اداره یتیهده حسن امتزاجك و سعادت عائله نك ادامه سنه مداركلی اولوق اعتباریلدهده آشكاردر . زوج ، زوجه سنك طبیعت نسانیه سنه مخصوص احوالی بیلمز و یاخود بونك اهمیت عظیمه سنی نظر اعتباره آلمایاراق معامله ایدرسه بالطبع اوزوج و زوجه آراسنده وجودی الزم اولان آهنگ معاشرت مختل اولور و بوخلل والده و اولاد آراسنده کی حرمت و - محبتده سرایت ایدهر ك او عائله ایچنده هائلره دهشتظهور اولور ؛ و بودرد عائله ایچندهده قالمایوب هیأت عمومیة ملتهده مستولی اولور . عائله لری بدبخت اولان بروطن خلقی سراپا بدبخت دیمكدر . ایشه بو ملاحظه ایله دركه تعلیم و تربیه انائی ، عالم اسلامك احیاسی و سائط مهمه - سندن بری تلقی ایدهرز .

روح نسائی تدقیقه معطوف بیکلرجه جلد تدوین ایدلمشدر . بوجلدلردن اك زیاده عمومی اولانی موسیو

(ماریون) ك پاریس دارالفنوننده روح نسا حقنده تقریر ایتدیکی درسلردن متشكل كتابدر . بزبوكتانی بوكون بالترجه حال واستقبالك ارباب مطالعه سنه عرض ایدیورز و بوصولته ناجیز بروطفه ملیه ایفا ایده - بیلمش اولماق حس خشنودیسیله متحسس بولونیورز . بدرخان پاشا اوغلی

عبدالرحمن

روح نساء

مؤلفی ماریون
مترجمی عبدالرحمن بدرخان

برنجی درس

مبحثك مبنی علیہ - پلان - اصول - القآت عمومیہ

بواثر ایکی قسمه منقسمدر . برنجی قسم تدقیق روح نسایه ایکنجی قسم کنج قیزلرك اصول تربیه سنه منحصردر . کلیاً نظری اولان برنجی قسمده قادینك طبیعت و خلقتنی ، نه کی تسکمله قابیلیتلی اولوب اولمادیغنی تحری ایده جکزر . تماماً عملی ارلان ایکنجی قسمدهده کنج قیزلری نه وصولته تربیه ایتمك ایجاب ایتدیکنی کوره جکزر . بوایکی قسمك آره سنده کی ارتباط آشكاردر . برنجی دیگرندن آیرمق و بونلری باشقه صورته قلب و افراغ ایتمك قابل اولاماز . بر کیمسه یه ویریله جك تربیه نك کندی موهوبات و قابیلیاته و بالفعل متصف اولدینی و یاخود ایله ریده کسب ایده جکی حاله حاصلی طبیعت و مقدره سنه کوره اوله جنی قابل انکار دکلدر . شمذیلک پیش تدقیقا تمزه صره سیله تصادف ایده جك مسائله برر نظر سریع عطف ایده لم .